

15 февраль  
1937 ар  
№ 12 (324)  
6-тй арзэ потэ.  
с Алнаши, УАССР

Бидэс дуннеысь пролетар'ёс, отазеяське!

# Алнаш Колхозник

ВКП (б)  
райкомлэн  
но  
райисполкомлэн  
органы

## Государстволэсь юрттэмзэ кизен- лы образцово дасяськыса дан'- ялом

Одйг капиталистической кунын но ужаса улысь калык'ёслы государство ласянь луыны уг быгаты, кыче юрттэт сэтэ ужаса улысь-ёслы Советской власть. Сталинской Конституция муз'емез пырак азе но дунтэк колхоз'ёс борды юнматиз. Виль машинотракторной станциос лэсьтон, государство ласянь кидысэн, продовольствиен, фуражен юрттон—ваньмыз со парти но правительстволэсь колхозной крестьянство понна бадзым сюлмаськемзэ возматэ.

Асьме район туэ 56730 пуд нянь басьтэ, со польсь 36600 пудэз кидыс ю, 10980 пудэз продовольственной но 9150 пудэз фуражной ссуда.

Государстволэсь юрттэтэс асьмелы вань сельскохозяйственной уж'ёсын виль вормонлык'ёс кылдытыса пумитано. Районысь уноез колхозник'ёс но колхозэн кивалтисьёс сое валазы но асьсэлэсь государство азын обязательствооссэс быдэс'яло, пудо вордоньы, тулыс кизёнлы вал'ёсыз дасянын луэм секыт'ёсын нюр'яско но со секыт'ёсыз вормо.

Писевской сельсоветлэн председателез Андреев эш но со сельсоветысь колхоз'ёслэн председател'ёсы колхозын, нюлэсын ужанэз большевистски организовать каризы, соин ик соос тулыс кизёнлы но дась ни.

„Горд ошмес“ колхозлэн председателез Петров эш государство азын вань обя-

зательствооссэ быдэстиз. Та колхозын пудо 100 процентэз ик уялтыса будэтиське, соослы сион тырмыт дасянын, вал'ёс тулыс кизёнлы дасесь.

Озы ке но, куд-ог колхоз'ёсын но сельсовет'ёсын кивалтисьёслэн анти-советской, государстволы пумит действооссы вань. Молотовлэн нимыныз ни-мам колхозын (Туташевской сельсовет) кидыс юзэ но фуражез юри люкыло, нош нюлэс ужын но озы ик тулыслы дасяськонэн, номыр уг ужало. Ивановской сельсоветысь „Новый труд“ колхозлэн председателез Локтинов саботировать карэ, со колхозысь одйг мурт но нюлэсын уг ужало, торф дасян планэз куашкатиз, интысь удобрениос уг дасяло.

Вознесенской сельсоветлэн председателез Ушнурцев эш аслаз антисоветской действоосыныз Советской властез дискредитировать каре, юон организовать каре, колхоз'ёсын дисциплинаез куашкатэ. Соин йырин со сельсоветын пудо вордонэз куашкато, нюлэс дасянэз срывать каро.

Сыче „кивалтисьёс“ азыланэз кивалтон уже кылыны уг быгато, соослэн действооссы колхоз'ёсыз куашкато, государственной но колхозной план'ёсыз срывать каронэ нуо.

Государстволэн юрттэт сэтэмезлы пумит вань колхозной но государственной уж'ёсын стахановской движениез паськыт вольмытыса ужано.

### Тодэмлыкэс 'уже кудо

„Горд нюр'яськысь“ колхозын Муратов агрономлэн кивалтэмез'я, агротехнической кружокын 18 занятия ортчытэмзы ни. Отын 50 мурт колхозник'ёс но колхозницаос дышетско. Ваньмаз звеноосын нимаз занятия ортчо. Степановлэн выль удалтонлык понна нюр'яськысь етйн звено-яз 12 муртэн 5 занятие ортчытызы ни. Та звено етйн-лэсь выль удалтонлык басытон понна нюр'яськыса, ту-

лыс кизёнлы дасяськонын кулэ луйсь агромероприятиосыз дышетске.

Колхозник'ёс агротехникаез изучать карыса, выль удалтонлык басытон понна организованной ужрад'ёс ортчыт'яло. 300 тонна гидкыед поттэмын. 20 центнер фекали, 3 центнер тылобурдо кыед, 30 центнер пень люкамын ни. 50 гектар вылэ снегозадержани лэсьтэмын.

М.н.

### Пионер'ёслэн куаразы

Ми, Удмурт Тоймобаш ИСШ-ысь пионер'ёс, 4-тй февралэ пионерской сбор ортчытим. Отын, антисоветской троцкистской центрлэн уез'я Верховной судлэн Военной Коллегиезлэсь приговорзэ лыдзим. Приговорез быдэсак одобрять карыськом.

Тушмон'ёслы пумит, ми, дышетсконлэсь Зечлыкэс но школаын общественной ужнуонэз умоят. Али пушкинской нунал'ёсыз орчтыськом. Постановкэ сётим, яратон поэтлэсь А. С. Пушкинлэсь рассказ'ёссэ, кылбур'ёссэ вераськом.

Пионервожатой А. Григорьев.

## Горд Армилэсь 19 ар тырмемзэ допризывник'ёс полын ликбез уез умой организовать карыса пумитано

Ужаса улысь калыклэн вань бурлыкэзлэн будэмез ужась но крестьян Горд Арми радэ арысь-аре котькуд ласянь юн егит'ёсыз дасянын луонлык сэтэ. 1936 арын, 1914 но жынызэ 1915 аре вордскем граждан'ёсыз призывать карон, егит'ёслэсь культурной будэмзэс, тазалыксыя юнмамзэс, грамотностьсэс, комсомолен'ёслэсь будэмзэс, ГТО, ГСО, ПВХО но Ворошиловской стрелок значкист'ёслэсь будэмзэс возматиз.

1916 но жынызэ 1915 аре вордскем граждан'ёслы призывной участоке приписка орчтыон дыр'я призывник'ёс полын бжит гожтэт тодысьёс 44,1 проц, неграмотнойёс 2 проц, висисьёсыз шобдкымон процент шуыса шараямын. Гожтэт тодым-гэослэн, бжит гожтэт тодысьёслэн но висисьёслэн та лыдпус'ёсы, призвылы дасяськонын ликбез уез вырзытон но висисьёсыз енатон основной ужён луэ шуса верало. Нош та ужпум'ёслы РайОНО но сельсовет'ёс ласянь но кулэ луйсь саклык вис'ямтэ. РайОНО-лэн инструкторез Кра-силыников эш дышетсконэз организовать уг кары. Допризывник'ёс пушкысь гожтэт тодымтэосыз гожтэтлы дышетыны умой дырез—толалтэез уже уг кудо.

Наговицинлэн нимыныз ни-мам колхозысь неграмотной Марданов но „Мотор“ колхозысь малограмотной Гурьев С. И. но мукетыз допризывник'ёс дышетонэн

охватить карымтэ. Районамы допризывник'ёсыз енатон умой пуктымтэ, соос больницае уг ветло, сельсовет'ёс но райздрав та ласянь ужрад уг кудо.

Удм. Тоймобаш сельсоветысь Кузьмин допризывник гуртазы трахпункт вань вылысь трахомазэ енатыны уг ветлы. Озы ик, та сельсоветысь ик Бабушкин но Никитин допризывник'ёс трахомазэс уг енато. Трахсестра Бусыгина эш та сярсы тодэ ке но, РИК-лэн спецчастяз бз ивортылы. Бусыгиналэн верамез'я, райздрав ласянь но кыче кивалтон бжыл, заведующоез Матвеев эш унояз трахпункт'ёс бз на но ветлы, допризывник'ёс пушкын но кыче валэктон уж уг нуы.

Чидантэм ляб ужало боевой подготовка нуонлэн начальникез Яковлев но райСФК-лэн секретарез Брытков эш'ёс, допризывник'ёс полын допризывной подготовкэез но физкультура уез орчтыон ласянь.

Ваньмыз та возматэм факт'ёс организациосын кивалтисьёслэсь но асьсэлэсь куд-ог допризывник'ёслэсь районамы призвылы дасяськонэз самотёке лэземез, большевистской саклык'ёс ужабез возматэ.

Ужась-крестьян Горд Армилэсь 15 ар тырмемзэ допризывник'ёс пушкын ликбез уез умой организовать карыса пумитано.

М. Рукавишников.

## Обязательствооссэ быдэс'я

1936 арын март толзэе Мария Афанасьевнаез МТФ-е, телятницаын ужаны пуктыса, 30 вож кунянь'ёсыз уялтыны со кие сётйзы.

— Секыт луоз кадь потэ вал мыным. Книгаын верамзыя кызы кулэ озы уялтыны быгатоно кадь уг потйськы вал,— шуэ со. Нош со нимаз улыкуз но пудоез, кунянь'ёсыз уялтыны яратэ вал. Озы ик телятницаын но уез борды мылысь-кыдысь кутскиз.

Нырысь нунал'ёсаз ик Маня зоотехнической кружке ветлыны, дышетскыны кутскиз. Дышетскемзэ улонэ пыртыса, вань кунянь'ёссэ умой будэтыны правление азын обязательство басытэ. Обязательствооз быдэстон понна нуналлы тупатэм распорядок'я ужан, кунянь'ёсыз шонер сюдон, чылкыт, шуныт но югыт гидын возён организовать кариз.

15 нунал'емез кунянь'ёсыз басытыса со сюдыз уялтыз. Гужем соосыз кырын возьмаса сюдыз. Кунянь'ёс чаль будйзы. Озы Маня ваньзэ куамын кунянь'ёсыз фермае ветылэ поттыса сётйз.

Со кылем арын вал. Маня туэ но кунянь'ёсыз сюдэ. Со борды табере 2 толзэем осенник'ёс юнматэмын. Сюлмаськыса уялтэ соосыз. Пудо сион ласянь тырмымтэ интыосыз вормон понна нюр'яське Ачиз ик куроюз, турынэз посьвуа, кильёсыз тупатэ, зег куроюз известковать каре. Стойлаосыз, сюдон'ёсыз чылкыт возе.

Озы тыни солэн кунянь'ёсыз нуналлы быдэ 400-600 граммы будо. „Бригадир“ нимо 5 толзэем ош кунянь'ёс секталаез 130 килограмм кыске. Ваньмыз 23 кунянь'ёс синмаськымон умоесь.

## Пушкинской нунал- лы сйзем вечер

Асановской сельсоветысь Наговицинлэн нимыныз ни-мам колхозысь егит'ёс но дышетскысь пинал'ёс А. С. Пушкинлэн кулэмезлы 100 ар тырмон нуналэ вечер орчтытызы. Клубе лачак люкаськем калык егит'ёсын пуктэм „Цыганы“ постановкаез учкызы. Постановкаын тужгес но умой шудиз РКШ-ын дышетскысь Рыкова эш.

Постановка бере пионер'ёс поэтлэсь „Зимняя дорога“, „Зимний вечер“ но мукет кылбур'ёссэ декламировать каризы.

4-тй классын дышетскысьёс Мельник'я, Пэвлова но Потапов „Коми танец“, „Яблочко“ но мукет экгон'ёсыз быдэс'язы.

Мардано, Прокопий колхозник поэтлэсь быдэсак биографизэ вераз.

С. Бабров.

## Декадник ялэмын

УАССР-ысь Совнаркомлэн но Наркомпрослэн пуктэмзыя, гожтэт тодымтэосыз но бжит гожтэт тодысьёсыз дышетонэз организовать каронын районамы 10-ысен 20 февралэзэ декадник ялэмын.

Районамы гожтэт тодымтэос но бжит гожтэт тодысьёс 4729 мурт лад'яско. Соос пушкысь гунэ нуналэз 2491 мурт гинэ дышетсконэн охватить каремын.

Тужгес но бере кылемын Кучерян, Б.-Кибья но Ст.-Утчан сельсовет'ёс. Та сельсовет'ёсын гожтэт тодымтэосыз гожтэтлы дышетонэз кулээн бз лыд'ялэ. Ликвидатор'ёс ляб ужасы. Кучерян сельсоветысь „Байшур“ колхозэ РОНО-ен ыстэм ликвидатор Юфевен одйг заняти но орчтытэк, юыса уляз.

Озы ик райОНО ласянь но тырмымтэос вань. Удмурт кылен, зуч кылен дышетскон грамматикаос, географием дышетскон учебник'ёс, тетрадьёс бз тырме.

Декадник дыр'я, гурт'ёсын та уезэ организовать карыны 11 уполномоченно-ёс, 40 штатной ликвидатор'ёс РОНО-ен ыстэмын. Озы ик учебник'ёс но тетрадьёс ваемын луозы.

Г. Данилов.

Манялэн верамез'я кунянь'ёсыз эшшо но умой будэтыны луоно. Соиз гинэ люкетэ, зоотехнической тодонлыкэз уг тырмы на. Фермаен тодыськысь Ивоин эш дышетскон организовать уг кары.

Озы быдэс'я аслэсьтыз басытэм обязательствооссэ, „Коминтерн“ колхозысь (Удм. Тоймобаш сельсовет), Волкова Мария Афанасьевна. И. Куанцев.



# Алнаш МТС-лэн обязательствоосыз

1937 арын тысё юослэсь, технической культураослэсь но картопкалэсь выль удалтонлык басытон понна Голюшурма МТС-ысь агроном'ёслэсь, агротехник'ёслэсь социалистической Чошатскыса ужаны бтемзэс (17 январе 1937 арын „Иж-правда“ газетэ поттэмын) обсуждать но проработать карыса, Алнаш МТС-ысь агроном'ёслэн, агротехник'ёслэн, курсант'ёслэн совещанияны пунктис:

1. Матысь кык-куинь ар чоже сталинской 7-8 миллиард пуд нянь поттон понна нюр'ясыконын, Голюшурма МТС-лэсь социалистической Чошатскыса ужаны бтемзэ кутыськом но таин Чош ик СССР-ысь машинотракторной станциослэн Всесоюзной Чошатсконазы пырыскыськом.

Асьме вылэ таце обязательствоос бастыськом:

1. Алнаш МТС-лэн зонаяз пырысь колхоз'ёсын 1937 арын, шоро лыдын вераса, тысё юослэсь гектарлы быдэ 17 центнерлэсь бжыттэк, етин мертчан—4 центнерлэсь бжыттэк, картопка—120 центнерлэсь бжыттэк удалтонлык басытом.

2. Нимаз колхоз'ёсын, бригадаосын но звеноосын тысё юос'я гектарлы быдэ 20-35 центнерозь, етин мертчан—10-15 центнерозь, картопка—150-200 центнерозь удалтонлык басытом. Сыце удалтонлык вань кизем площадь вылысь 30 процентлэсь бжыттэк бастымын луоз.

II. 1937 арын выль удалтонлык басытон понна таце уждра'ёс ортычтон:

1. Колхоз'ёсын 1937 арлы производственной план'ёс но сметаос лэсьтонэз 1 мартлэсь бере кылытэк вуттом.

2. 1 мартлэсь бере кылытэк бригадаослы но выль удалтонлык звеноослы участок'ёс вис'ялом но котькуд бусылы но участкалы быдэ кулэ луис уждра'ёслы агропроект'ёс дасялом.

3. 1937 арын трактор'ёсын ужан сярись 15 мартлэсь бере кылытэк колхоз'ёсын договор'ёс гожтом но тулыс ужаны участок'ёс вис'ялом.

4. 1937 арын кизёно юос улэ бжыттэк вераса 126500 тонна гид кыед поттом, со полысь валэс юос улэ 72700 тонна; пень 4200 центнер, торф 36000 кубометр, ты-

лобурдо кыед 1800 центнер, кыед ву 600 центнер, фекалия 1800 центнер дасялом.

5. 5587 гектар вылын лымы кутон ортычтом; 16500 гектар вылэ рядовой кизён, со полысь тысё юос 8100 га, озимовой 8400 га, зябылы культивация 2900 га, парез вазь гырон 9350 га, гырон слоез муратон 5800 га, со полысь пар 1800 га, зябылы 4000 га, озимойёсыз усыян 8100 га, клевер 1400 га, тысё юос вылэ ву кыстан 325 га, етин вылэ 780 га, озимойёсыз урон 11100 га, валэс юосыз 11893 га, етинэз 1190 га, пышез 250 га, картопкаез 1360 га, корнеплод'ёсыз 180 га.

6. Яровизировать карем кидыс'ёсын чабээз 650 гектар, йдызёз—70, сезыёз—220 гектар кизём но картопкаез 40 гектар вылэ мерттом.

7. Кидыс'ёсыз 100 процентэ ик сортовать, триеровать но програвить каром.

8. Вазь кизёно валэс юосыз 10 нуналскын, со полын етинэз—5, клеверез 5 нуналскын кизыса быдэстом.

9. Котькуд агротехниклы тысё юосын, етин но картопкаен 5-лэсь бжыттэк опыт'ёс лэстыно.

10. Выль удалтонлык етин понна нюр'ясыкысь звеновод'ёс дасял понна 20 нунал'ем курс ортычтом.

11. Колхоз'ёсысь бригадаосын, выль удалтон бастысь звеноосын но колхозник'ёсын 5 нуналмысь одиполлэсь бжыттэк агрозоотехучеба ортыч'ялом.

12. Агроном'ёсын 5 нуналлы одиполлэсь бжыттэк трактор'ёсыз но сельхозмашинаосыз изучать карон занятиос ортыч'ялом.

13. Колхоз'ёсын тулыс кизёнлы кулэ луис сельхоз машинаосыз, инвентарез но вал кыткон тирлык'ёсыз тупат'янез 1 мартлэсь бере кылытэк быдэстом.

14. МТС-лэн кужыменыз 5 толэзем курс вамен 30 мурт тракторист'ёс дасялом. Вакчись курс'ёс пыр сложной молотилкалы машинист'ёс 18 мурт, весовщик'ёс 16, сельхозмашинаослы машинист'ёс 30 мурт дасялом.

15. 1 мартлэсь бере кылытэк колхоз'ёс кустысь вань ржж'ёсыз тупат'янез быдэстом.

16. 15 мартлэсь бере

кылытэк котькуд тракторной бригадалы тракторист'ёслэсь вагончик'ёссэс лэстыса дасялом, бригадасыз кулэ луис инструмент'ёсын, запас частьёсын, аптечкаосын но кулэ луис заправочной инвентарен (ведра, воронкаос, бекчос но мукетыз) обеспечить каром.

17. 1937 арын котькуд 15 кужым'ем тракторлы быдэ 650 гектарлэсь бжыттэк небыт гыронэз обеспечить каром, УАССР-ысь Наркомземен сётэм план выль 32000 килограмм горючееэ экономить каром.

18. Котькуд комбайнэн 650 гектар вылысь ужез быдэстом.

19. Котькуд тракторной бригадалы быдэсак сезон вагытэ тракторез, сельхозмашинаосыз изучать карон но общеобразовательной тодонлыкэз бюджетон понна дышетскон ортыч'ялом, партилэсь но правительстволэсь решениоссэс проработать карылом.

20. Котькуд бригадалы декалалы быдэ одиг номерлэсь бжыттэк бордгазет'ёс потталом.

21. Тракторист'ёс полын политкружок'ёс, Осоавиахим но МОПР кружок'ёс кылдытом.

22. Котькуд тракторной бригадалы горд но сьбд пул'ёс кылдытом, 2 экземплярлэсь бжыттэк газет'ёс но 1 журнал выписывать каром.

23. Бастыэм обязательствоосыз быдэстон понна сельсовет'ёс, колхоз'ёс, бригадаос, звеноос но нимаз колхозник'ёс кустын социалистической Чошатскыса ужан организовать каром.

24. Социалистической договорлэсь быдэсмензэ эскеронын арбитрен УАССР-ысь Наркомземез, „Иж-правда“ но „Алнаш колхозник“ газет'ёсыз луыны куриском.

Совещанилэн но МТС-лэн советэзлэн косэмез'я гожтызы:

МТС-лэн директорез **Мазилкин**, политчастья директорез воштысь **Широбков**, МТС-лэн старшой агрономез **Соломин**, Писеевской сельсоветлэн председателез **Андреев**, „Горд Октябрь“ колхозлэн председателез **Волков**, курсант'ёс **Орлова**, **Хорашавцев**.

# Алнаш районьсы потребкооперацилэн системаяз 1936 ар понна отчетной кампания ортычтон сярись

ВКП(б) райкомлэн бюроезлэн но райисполкомлэн президиумезлэн 5 февралэ 1937 арын пунктэмзы

Сельпоослэн, рабкооп'ёслэн 1936 арын ужамзылы пайшик'ёс азын отчет'ёс сётон сярись ВКП(б) Обкомлэн но Удмуртпотребсоюзлэн пунктэмзы, ВКП(б) райкомлэн бюроез но райисполкомлэн президиумез пукто:

1. Сельпоослэсь 1936 арын ужамзы сярись пайшик'ёс азын отчетсэс 5-ысен 25 февралэз та арын ортычтон. Отчетной кампания ортычтонлэн основной ужезы ВКП(б) ЦК-лэсь но ССР Союзись Совнаркомлэсь 29 сентябрез 1935 арын „Потребкооперацилэн гуртын ужез сярись“ пунктэмзэс быдэстонэз эскерон луэ.

2. Сельпоослэн 1936 арын ужамзы сярись отчетной кампаниез массово-хозяйственной, политической кампаниез, сельпоосыз организационно-хозяйственной юнматонэ нуис ужен, пайшик'ёсын герзасыса ужанэз умятонэн но азы-выл отчетной собраниосы пайшик'ёсын сётэм наказ'ёсыз быдэстонэз эскеронэн лыд'яса нуоно.

3. Сельпо правлениослэсь но контрольно-ревизионной комиссиослэсь председател'ёссэс пайшик'ёс азын отчет сётон сярись календарной планлэсьтыны косоно. Отчетной кампаниез вань гурт'ёс, колхоз'ёс но совхоз'ёс охватить каремын луыны кулэ но пайшик'ёс полысь 70 процентлэсь бжыттэк, уполномоченнойёслэн конференциосазы уполномоченнойёс полысь 90 процентлэсь бжыттэк охватить каремын луыны кулэ.

Гурт'ёсысь, колхоз'ёсысь но совхоз'ёсысь пайшик'ёс азын отчетной кампаниез 8-ысен 18 февралэз та арын ортычтон.

4. Пайшик'ёслэн отчетной собраниосазы таце эскероно уждра'ёс рекомендовать кароно:

а) 1936 арын ужал сярись сельпо председател'ялэн докладэз но ревизионной комиссиалэн докладэз;

б) 1937 арлы тупатэм доход но расход сярись сметаосы; учкон но юнматон.

5. Сельпо уполномочен-

нойёслэсь конференциоссэс 18-ысен 25 февралэз та арын ортычтон. Сельпо уполномоченнойёсын конференциос ортычтон сярись представить карем планэз но эскероно уж'ёсыз юнматон.

6. Первичной парторганизациосыз, сельсовет председател'ёсыз, сельсовет'ёсысь торгово-заготовительной секциосыз но колхоз председател'ёсыз пайшик'ёс азын отчетной кампания ортычтонэз возглавить карыны косоно. Та уже советской, профсоюзной но комсомольской активез мобилизовать карон вамен пайшик'ёсын собраниос но сельпо уполномоченнойёсын конференциос ортычтонэз календарной срок'ёсы быдэстано, со собраниосы тыросэн лыд'ясыкысь пайшик'ёсыз кысыса но сельполэн ужомез сярись большевистской критика но саокритика вольмытыса ортычтон.

7. „Алнаш колхозник“ газетлэн редакторезлы Матвеев эшлы сельпоосын отчетной кампанилэсь мынэмзэ систематически освещать карыны косоно.

8. Пайшик'ёслэн отчетной собраниосазы 70 процентлэсь бжыттэк пайшик'ёс но уполномоченнойёслэн конференциосазы 90 процентлэсь бжыттэк уполномоченнойёс участвовать карон вылысь первичной парторганизациослэн, сельсовет во колхоз председател'ёслэн ответственность сярись предупредить кароно.

9. Пайшик'ёс азын отчетной кампания ортычтонлэн йылпум'янез сярись 25—27 февралэз райисполкомлэн президиумаз Удмуртпотребсоюзлэн уполномоченнойёслэсь Кожевников эшлэсь докладэз кылзоно.

ВКП(б) райкомлэн секретарез Герасимов.

Райисполкомлэсь председател'яз воштысь Агишин.

Редакторез воштысь И. КУЗНЕЦОВ.

Поттысь РАЙИСПОЛКОМ.

## Сельпоослэн ужысьтызы тырмытэ интыосыз быдтоно

Алнаш сельпо 1936 арлы тупатэм товарооборот планэз 130 процентлы быдэстиз. 1302.000 манет оборот лэсьтэмын. Заготовкаос лэсьтов план 113 процентлы быдэстэмын, 67115 манет прибыль бастэмын. Таин арте ик сельполэн ужал бажымысь тырмытэ интыос вань. Пайшик'ёсын но калык'ёсын но кычэ уж'ёс ортычтэмын бжыл. 1936 ар чоже сельпо одиг муртэ но кооперировать өз кары, паевой взнос'ёс 558 манет сяна өз бича (планлы 9,3 процент).

Тырмыт луис 8 пуртэм вуз'ёс'я план одиг пумоеныз но быдэстэмын бжыл, тырос дыр'я кулэ луис вуз'ёс өз луылэ. Вузварись точкаос тырмыт оборудовать ва-

рытэ. Вузберык'яны издержакен 1,29 процентлы (16800 манет) перерасход лэсьтэмын. Ар чоже сельполэн 7 расстратос, 8641 манет тыр дуэмын, нош взыскать 706 манетэз сяна карымтэ.

Талэсь умой бжыл Вуж-Утчан (председателез Суслев эш), Б.-Кибья (Измествев эш), Асан (Мошков эш) сельпоослэн но уж'ёсы. Голюшурма сельпо гинэ (председателез Микрюков эш) пример возьматыса ужа. Со „Потребкооперацилэн гуртын ужез сярись“ ВКП(б) ЦК-лэсь но ССР Союзись Совнаркомлэсь 29 сентябрез 1935 арын пунктэмзэ но пайшик'ёслэсь наказ'ёссэс быдэс'я. Товарооборот планэз 114 процентлы, заготовкаос'я планэз 205 процент-

лы но тырмыт луис 8 пумо вуз'ёс'я планэз 116,5 процентлы быдэстиз. Вузкарон точкаосыз умой тупат'ямын, 1936 арын Голюшурма селое сельмаг усьтэмын. Ар чоже сельпо 21126 манет прибыль бастыз. Умой вузкаремез понна январь толэзе та арын Удмуртпотребсоюз сельполы автомашина сётыз. Таин Чош ик сельполэн ужал тырмытэ интыосыз но быдэстэмын бжыл на. Дебиторской задолженностиэз 4287 манет но расстратос 2836 манет луэ.

Вань та тырмытэ интыосыз отчетной кампания дыр'я большевистской критика но самокритика тылмын чүшкано.

Кожвников, Удмуртпотребсоюзлэн уполномоченнойёс.

## ЯЛОН

Сельсовет'ёслэн председател'ёсылы но пудозэс дорысеннызы яке базарын вузась мурт'ёслы тае тодоно но тая ужано:

1. Пудо вузан но бастон дыр'я, пудозэ вузась мурт'ёслэсь куруно, быдэстэмын-а солэн 1936-37 ар'ёс понна государстволы сйль тырон налогез.

2. Заготовительной организациос конвенционной дуннын пудозэс бастыны быга-

то соку, куке пудозэ вузась мурт 1936 ар но 1937 арлэн квартал'ёсызлы быдэ сйль тыронэз быдэстэм сярись сйль тырон обязательствозэ пред'явить кароз.

3. 1936 ар понна сйль тыронэз быдэстэмын-а хозяйствоос пудозэс вузан дыр'я, со пудо 1936 арлы сйль тырон Чотэ заготскотэ сётыське.

РИК, Уполкомзаг СНК, Заготскот.